

## **Geldübergabe Invalidenturnen ZO durch den Samichlaus und Ruth Auer von der Dorfgemeinschaft Ettenhausen:**

Aber jetzt normal zu Euer 50gische wo ihr im Oktober händ dörfe fiire. 50 Jahr isch e ganz schön langi Ziit. I dene Jahr händ Eui vieli Hälferinnen, Hälfer, Vorstandsmitglieder - im Momänt mit em Hugo a dr Spitze - vorhär de Bruno nid z'vergässe – unterstützt und defür gsorget das es Eui möglichscht guet goht. Drum wämer ihne a dere Stell emol ganz bsunders hätzlich danke mit emne tosende Aplaus. Danke, dass Ihr Euch immer wieder Ziit nämet für de Verein und d'Mitglieder.

Däm Dank möchtet sich au no anderi aschlüsse! Hugo darf i Dich bitte zu üs zwei z'cho!

Im Name vo de Nachtüüle und vo de Dorfgmeinschaft vo Ettehuuse dörf ich Eui nid numme es Chlaussäckli sondern au no chli Gäld bringe. Drumm begrüesse ich jetzt au d'Ruth Auer vo de Dorfgmeinschaft Ettehuuse. Afangs Oktober händ nähmli d' Nachtüüle und Dorfgmeinschaft ihre schöni traditionelli Märt dure gfuehrt.



Die beide hei mich beufreit, Euch hätzlich z'gratuliere und usem Erlös vo däm Märt dä Brief mit eme Jubiläumsgschänk vo Fr. 1'000.-- z'übrbringe!

Es brucht ja immer wieder Grät und so Zügs zum turne oder schwümme, vielleicht au öpis dass es Euch ringer gad oder vielleicht au als Biitrag a ne Reis oder so.....